

特旨司臬中州

聖恩高厚臣志悚惶遙拱

紫宸如依

丹陛伏念今歲正月元旦祥雲捧日現於東省

天語褒嘉感應之機歸之制府今二曜疊彩復現天中

君明臣良日華雲爛八伯賡歌詎足專美孔昭自守土海

邦今復備員梁汴叠逢大瑞敢謝不文敬效栢梁之

體附揚復旦之休歌曰我

皇聖德齊穹窿九州萬國慶來同荆河惟豫居當中壤連

畿輔恩光濃時暘時雨歲屢豐熙

帝之載資奮庸墾荒疏淤增良農以衣以哺安疲瘵兩河

並躋春臺融

天錫嘉徵重復重歲枝單闕幹旃蒙律中姑洗披和風日華

月華麗晴空金烏玉兔光熊熊桃都耀彩開瞳矐須

彌拂影磨青銅非組非織叠黃紅若抱若戴雲氣封

輪囷五色紛綯綯羽如鸞鸞鱗如龍銀河七襄華渚

虹媧皇補煉瑰奇璫具茨芝圖捧玉童睢漢波映春

溶溶日月之光乾坤容筆墨摹寫難為窮仰惟

帝治臻時雍大瑞上瑞符昌隆珠聯璧合

巽紫宮泉醴河

清地寶通嘉禾九穗神芝叢祥麟威鳳馭沓從今年

元旦傳山東五雲捧日陳

丹楓